

Broj: 05/1-19-4-274/25
Sarajevo, 23.04.2025. godine

BOSNA I HERCEGOVINA
Federacija Bosne i Hercegovine
n/r sekretar dr.sc. Edita Kalajdžić
Vlada Federacije BiH
Hamdije Čemerlića 2
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 24-04-2025			
Org. jed.	Broj	Priloga	Vrijednost
05/1	-02-	167	125

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
Zastupnički dom/Predstavnički dom
n/r sekretar Ivan Miličević
Hamdije Kreševljakovića br. 3
71 000 Sarajevo

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
Zastupnički dom/Predstavnički dom
Slaven Raguž, federalni zastupnik
Hamdije Kreševljakovića br. 3
71 000 Sarajevo

Predmet: Odgovor na poslaničko pitanje, dostavlja se
Veza: Vaš akt broj: 03-04-709-16/2025 od 09.04.2025. godine

Vašim aktom, broj i datum iz veze, dostavili ste ovom federalnom ministarstvu poslaničko pitanje, koje je postavio poslanik Slaven Raguž, na 19. redovnoj sjednici Predstavničkog doma Parlamenta Federacije BiH, održanoj 02.04.2025. godine.

Poslaničko pitanje glasi: „S obzirom na dokazanu blizinu planiranog postrojenja za proizvodnju magnezija u Kupresu izvoru Bašinci, nedostatke u Studiji utjecaja na okoliš koje je Ministarstvo već odbilo te neizbježni rizik od zagađenja vodotokova, zraka i uništenja prirodnog staništa, kako Ministarstvo može opravdati daljnje razmatranje ovog projekta umjesto njegovog trajnog zaustavljanja radi zaštite zdravlja građana i ekosustava?“

Na postavljeno poslaničko pitanje dajemo sljedeći odgovor:

Federalno ministarstvo okoliša i turizma vrši upravne, stručne i druge poslove iz nadležnosti Federacije Bosne i Hercegovine koji se odnose na ekološku zaštitu zraka,

vode i zemlje i s tim u vezi ovo federalno ministarstvo u skladu sa članom 64. Zakona o zaštiti okoliša („Službene novine Federacije BiH“, broj: 15/21) provodi upravne postupke Procjene utjecaja na okoliš.

Procjena uticaja na okoliš je postupak ocjenjivanja prihvatljivosti planiranog zahvata u prostoru – projekta, utvrđivanje potrebnih mjera zaštite okoliša, kako bi se negativni uticaji sveli na najmanju moguću mjeru, te postigao visok nivo zaštite okoliša ukoliko je projekat prihvatljiv.

Cilj procjene uticaja na okoliš je predvidjeti i procijeniti uticaj na okoliš u najranijoj fazi planiranja, dizajna i projektovanja, pronaći načine i sredstva za smanjenje negativnih uticaja projekata na okoliš, oblikovati projekte koji odgovaraju lokalnom okolišu i predstaviti procjene i opcije za donošenje odluka u okviru odgovornog investiranja, uzimajući u obzir ciljeve održivog razvoja.

Zakonom o zaštiti okoliša („Službene novine Federacije BiH“, broj: **15/21**), poglavlje IX, članovima 64. – 81. propisana je procedura Procjene utjecana na okoliš, a detaljnije je uređena:

- Uredbom o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš („Službene novine Federacije BiH“, broj: roj: **51/21**, **33/22** i **104/22**),
- Pravilnikom o sadržaju studije uticaja na okoliš („Službene novine Federacije BiH“, broj: **63/21**),
- Pravilnikom o utvrđivanju uslova i kriterija za stavljanje na listu stručnjaka koji mogu biti imenovani u stručne komisije za ocjenu studija uticaja na okoliš („Službene novine Federacije BiH“, broj: **63/21**).
- Uredbom o postupanju u slučaju prekograničnog i međuentitetskog uticaja projekta na okoliš („Službene novine Federacije BiH“, broj: **105/21**).

Vezano za navode iz poslaničkog pitanja koji se odnose na donošenje Rješenje o odbijanju Studije utjecaja na okoliš investitora BH Magnezij & Minerali d.o.o., napominjemo da ovo federalno ministarstvo **nije** donijelo naprijed navedeno rješenje, već je na web stranici ministarstva objavilo **nacrt** Rješenja o odbijanju Studije uticaja na okoliš.


Nacrt Rješenja nije pravno obavezujući upravni akt, podložan je eventualnim izmjenama i usklađivanju prije donošenja Rješenja, za razliku od Rješenja koje je konačan i obavezujući upravni akt i proizvodi pravno dejstvo. Naime, dana 15.01.2025. godine investitor je podnio zahtjev za povlačenje Zahtjeva za ocjenu Studije utjecaja na okoliš od 02.7.2024. godine, nakon čega je donesen Zaključak o obustavljanju postupka ocjene Studije uticaja na okoliš broj: UPI 05/1-02-19-4-94/24 od 20.01.2025. godine.

Nadalje, dana 20.02.2025. godine investitor predmetnog projekta obratio se ovom federalnom ministarstvu sa novim zahtjevom za ocjenu Studije utjecaja na okoliš broj: UPI 05/1-02-19-4-28/25 od 20.02.2025. godine. S tim u vezi, postupajući po odredbi člana 75. stav (2) Zakona o zaštiti okoliša („Službene novine Federacije BiH“ broj: **15/21**) Federalno ministarstvo okoliša i turizma objavilo je naprijed navedenu Studiju na službenoj web stranici, ostavljajući mogućnost zainteresiranoj javnosti da dostavi eventualne primjedbe, sugestije i mišljenja na istu. Daljnji postupak u ovoj upravnoj stvari odvijat će se u skladu Zakonom o zaštiti okoliša („Službene novine Federacije BiH“, broj: **15/21**), pripadajućim

podzakonskim propisima kao i Zakonom o upravnom postupku Federacije BiH („Službene novine Federacije BiH“, br.: 02/98, 48/99 i 61/22).

U pogledu navoda o nepostojećoj adresi i nepostojećoj registriranoj proizvodnoj djelatnosti, investitor je uz predmetni Zahtjev za ocjenu Studije utjecaja na okoliš dostavio Prilog V - Izjava o istinitosti, tačnosti i potpunosti podataka sadržanih u zahtjevu u skladu sa stavom (4) člana 6. navedene Uredbe, koju zakonski zastupnik investitora (podnositelj zahtjeva), pod moralnom, materijalnom i krivičnom odgovornošću, daje pred nadležnim organom (općina ili notar), iz čega proizilazi da je investitor odgovoran za podatke dostavljene ovom federalnom ministarstvu.

S poštovanjem,

**MINISTRICA**

dr.sc. Nasiha Pozder

Dostavljeno:

- *Naslovu*
- *a/a*